

AD VITAM S. PYRMI-
NII.

LARVM in Alemannorum & Vogesi regione S. Pyrminij nomen, sed litteris haud probè custoditum. Id quod cum ante tot sæcula animaduertisset Othlonus Cœnobita Fuldensis, intercedere temporum iniurijs, & quod Apostolici viri famæ adhuc supererat, id mittere in litteras ac posteritati prodere, publicè interesse putauit. Ac optasse eum Scriptores eos, qui S. Pyrminij actiones vitæ præclaras litteris mandasse perhibetur, tam diu non detineri, ac viuere in tenebris. Etsi ut ætas eorum fuit, si Othlonum tempore non multum sunt antegressi dubitare cogar, num plenius aliquid & vberius ab ijs exspectari par sit, quod Othloni diligentia fugerit. Othlonus profecto in maiorū vestigijs Othloni in-
stitutum
& scriben-
dario. pedē posuit; at quod euagetur, & in mores se eius diffundat oratio, id cōsuetudine temporum suorum fecit; & hic verò industriā pec- cauit. Vbi enim in Prologo Scriptorum incuriam culpat, qui ante ætate ætatis S. Pyrminij rationē nullam habuere, & pauca in Pontificatu ab illo gesta litteris tradita, vel obscurè exposita, queritur, suarum partium fore profitetur, hæc ipsa clarius, & operosius exprimere; id est, sententijs, & verborum lacinijs, exornare. At Othloni interim operam grata laudabit posteritas, cuius beneficio S. Pyrminius illustrius nomen accipiet, & plurimum in ore ac sermonibus versabitur. Meminit in Martyrologij sui annotationibus McLanus Varmannū Comitem à Dilingen eruditō volumine S. Pyrminij vitā prosequutum, qui Comes ad annum vsq; MXXXIV. in viuis extiterit. Eādem in Palæstra sudasse Henricum Comitem à Calue Augiæ Abbatem circa Christi annum MC CX. Neutrius lucubratio, quod sciam, adhuc publicū accepit. Tritthemius quoq; in Breuiario historiæ Francorū, originale volumen vitæ S. Pyrminij penes se fuisse, scribit. VVicelius Chori Sanctorum libro XII. haud obscura dat signa lectam sibi hanc ipsam quam vulgamus de S. Pyrmino historiā. Inspeximus etiam medioctri vetustate Treueris in Hagiologis S. Maximini, MS. S. Pyrmini vitam, nullâ capitum distinctione, non tam sententia quam oratione ab Othloni narratiōne discrepantem; quanquam Othloni istâ censeatur vberior. Pyrminus in San Maximiniana fertur vtraq; lingua, Francorum & Romana, prædicare solitus. Othloni ne diutius lateret, religio effecit, & industria Reuerēdiss. in Christo Patris ac Præfulis Adami Peetz

Scriptores
Vita S. Pyr-
minij.

Argentinensis Ecclesiæ Suffraganei, qui cum nobilis illius Episcopatus Ecclesiæ & Monasteria p̄ munera amplitudine obeundi ac inspiciendi p̄uinciam sustinet, has veterū monumenta conseruandi eruendiq; partes, vt suscipit libenter, ita facili & beneuolo cū amicis animo comunicat. Ab hoc igitur missum ad me scite pictum, & emēdata scriptura apographū vitæ, in quam obiter hæc scholia elaborauimus, alibi de S. Pyrminio non raro, si Deus volet, sermonem habituri.

Prologus ad Liudolfum Archiepiscopum.

LIUDOLFVS hic Treuerorum Archiepiscopus est, vt equidem interpreter, cum eius nominis hac ætate alium vicinis in Ecclesijs Archiepiscopum non reperias; & in eum tum temporis notatum personæ commendatio, tum Othloni æuum plane conspirēt, nec iniuria Liudulfum Hermannus Contractus, virum doctum, anno M VIII. quo decessit, appellavit. De Othlono, tertio libro Moguntiacarum rerum Serarius noster inquisiuit, & vitam S. Bonifacij ab ipso, vt Canisiana editio suadebat, conscriptam, historiæ suæ intexit.

Othloni
atas.

Liudol-
phus Tre-
uer. Archi-
episcopus.

Othlonus
an alias
vita S. Bo-
nifacij

Coniicit autem Othlonum vixisse sæculo xi. currēte, sub annum scilicet Millesimū quinquagesimū & ultra quod excurrit. Ergo adolescentior vitam S. Pyrminij scribere aggressus sit. Nam Liudolphus Treuerensis ex Goslariensi regali Ecclesia, quæ seminarium tunc erat Episcoporum, prodit ad Episcopatum an. DCCC XCIX. & usq; ad M VIII. in eo pleueravit. Nec tamen mihi temporo, quin moneā, utramq; vitam cōponenti discrimē mox ingens appariturum, quâ stylo, quâ scribendi prudentiâ, inter hanc Pyrminii, & illam S. Bonifacii, quæ priori vtiq; herbam porrigit, & ambiguum facit, num illa Bonifacianæ vitæ exegesis, huic adscribenda sit.

C A P V T . I.

S. Pyrminius cuius loci Episcopus? Obtinuit se- dem Episcopatus in Castello Meltis.

NON facilis ad distrahendum hanc litem arbiter occurrit, aliis Meldensem Episcopum, aliis Metensem fuisse pugnantibus, quæ de re nos in Metensium Episcoporum Albo differuimus.

S. Pyrminij
dubius E-
pis copatus.
alio

Si ad locum hunc Othloni attendimus, procliuior in Tritthe-
mum, & Paulum Voltium cadet assensus. Ille in Epitome Franco-
rum historiæ. His temporibus (Theodorici Regis) claruit in Gal-
licana

licana Francia S. Pyrminius, ex Monasterio S. Mauri Abbatis Episcopus Meldensis, in Provincia Senonensi. vir doctrina & sanctitate admirabilis; qui pro Christi amore fidem rectam prædicaturus populis, in partes venit Germaniae; vbi multos verbo & exemplo ad cultum veritatis conuertit, & plura Monasteria fundauit.

*Meldensis
Episcopus.*

At Voltius. S. Pyrminius ex Monasterio S. Mauri Andegauensis lectus est Episcopus, ciuitatis non longè à Parisiorum Lutetia distantis quæ gallicè Meaulx, latinè Meldavocatur. Hic ad promouendam Christi fidem; posthabito Episcopio. Gregorij II. Rom. Episcopi permissione, ad Galliam & Germaniam venit, &c.

At arbitrum tamen hic capere temporarium, si lubet, accipe Boicarum rerum illustrem Scriptorem, qui cum utriusque Altachii *Lib. s. Boic.* Monasterii conditorem Vtilonem Boiorum Ducem celebrauit. *rerum.* hisce ædificandis, ait, Pyrminii hominis sanctissimum consilium sequutum. Pyrminium autem siue Meldensem siue Metensem Episcopum ferunt. At fidem tabula Ecclesiastice neutrobi firmat. eo Meldis aut Mediomaticum vrbe siue natum, siue profectum, siue utrumque nomen corruptum esse, quam in alterutra, Episcopum extitisse magis credam. Hæc ille ex tabella, sed manu suspeſa,

*Metensis
alijs Chor-
episcopatu.*

CAPUT II. III. ET SEQ. VSQVE AD XI.

*Cuius accessitu, permisso: quorum fauore auxilioque,
& quando S. Pyrminius venerit in Germaniam,
vel Alemanniam.*

Hæc enim summa fere rerum, quæ octo capitibus hisce continetur.

Sintlaz inter Alemanniæ seu Sueviæ primores, vir locuples & religioni impensè deditus, cum in Gallia pietatis cauilla peregrinaretur, S. Pyrminium primus inuitauit ad opem ferendam suæ gentis hominibus, iam tum passim aut indolis prauitatem, aut recti & melioris inscitiam in pristinam impietatis barbariem & gentilium errorrem prolapsis. Colebat is vicina Antronii lacus arua & fundos in iis possidebat amplos, dominus insuper clarissimi nominis Insula, quæ medio Rhenialueo nata olim Tiberium Cæsarem pro arce bello Vindelico vnum B. Rhenanus ex Strabone le recte collegisse putat.

*Sintlaz
vir in ale-
mannia.
præfatus.
Antronii lacus
Insula
dominosa.*

Et huic certè Insulæ, quæ medium milliare Germanicum spatio colligit, viri nomen constanter adhæsit. Etenim donatio ne, Caroli magni, qua Augiensis Monasterij possessionibus Vl- mam celebrem nunc Imperij ciuitatem adiecisse traditur. Augiam ibi Insulam nominat, in Alemaniæ partibus sitam, & Sintleohesuua nuncupatam; diploma citante ad Generatio nem xxviii. Nauclero. Protulit & aliud magni Ottonis Christo phorus Hartmannus in annalibus Heremi Deiparæ Matris, datum anno DCCCC LXV. in'nsula Sindliezesovva, id est in Augia, quam hic Othlonus cap. x. extulit hoc præconio. *O quondam sterilis & horrida, nunc amæna & fertilis Ovva.* & præcedenti locum appellarat, Sindlacis Ovvam. Nec ab his abit in Augiæ origine Bruschius, asserens à Gallico quodam Præfecto Sindlesio sic dictam, qui'nsulam istam S. Pyrminio excolendam, incolendamque dedit. falsus in Gallico Præfecto, quem inter Sueorum optimates, referri oportuit.

*S. Pyrmi-
nium insui-
rat in Ale-
manniam.*

Quia igitur non longè ab vrbe Constantia, Sindlacis beneficio hæc oportunitas S. Pyrminio propagandæ religionis per Ale maniam & vicinas regiones oblata, sapienti ipse consilio summæ sedis autoritatem consulendam, & adeundum Pontificem sibi putauit, à quo tanquam Ecclesiæ capite Apostolicæ missiones, & Legatorum iurisdictio, siue sacrorum potestas profluere & pendere solet.

*Gregorius
II. autor S.
Pyrminio
religionis
propagandæ.*

*Theodori-
cus Franco
rum rex. &
C. Martel-
lus S. Pyr-
minio fa-
ment.*

Pontifex, cuius autoritate S. Pyrminius prædicandi, lustrandi, vel erigendi iacentis Ecclesiasticae disciplinæ partes prouinciam suscepit, nullus ab Othlono exprimitur. Gregorium II. Voltius sua an maiorum sententia autorem ei factum huius legationis rectè prodidit. Amplectitur enim Pontifex ille Theodoricus Francorum regis ætatem, qua & Pyrminium floruisse constat; & à Gregorio ad hunc regem datas litteras, ita ut regi, & Proregi Carolo Martello iuxta commendatus, in pleno Episcoporum Alemanniæ & Franciæ conuentu relatione de collapsis Cleri populique moribus facta, receptus sit omnium confessione Magister, & disciplinæ Instaurator Pyrminius. Idq; diserte cap. vii. Othlonius attestatur.

*Bertoldus
& Nebus
Aleman-
nia Duces
& Yehum.*

S. Pyrminio fautores ac bene merentes in primis Euangelij & religionis propagandæ affuere Theodoricus Rex & Carolus Martellus: quibus alij addunt Berchtoldum ac * Nebum Alemaniæ Duces, sed fiduciarios; nam rerum vis penes Carolum fere Martellum Maiorem Domus, siue Proregem, aut Magistrum E quitum,

quitum, stetit. De Theodorico res certa videtur; ad quem Pontifex (Gregorius) litteras dederat, suadens, monens, & imperans, ut S. Pyrminium comiter exciperet, eiusque pijs conatibus faueret. De Martello item erudit i consentiunt. Sane Marcus Welserus in Boicis suis limitè scriptis, S. Pyrminium tradit, quod Martello patrono vteretur, post ex Augiensi Insula, Theobaldi Sueuorum Duciis factione pulsus; & inde, primum apud Vtilonem Boiariæ Ducem gratiæ locum tenuisse. Sic & Paulus Voltius diligens originum ordinis sui investigator, S. Pyrminium ad postulationem Berchtoldi ac Nebi Alemanniæ Principum, iussu quoque Caroli Martelli refert ad Insulam Brigantini lacus, quæ vulgo Auu vocatur, venisse; quarepurgata, Monachorum habitacionem ibidem ordinari, Monasteriumque Augiense constituerit, Christi religionem vicinis populis prædicarit. At triennio vix ibi completo, fugatum istinc à Gotfrido, Theobaldoque Ducibus. Atque ex his liquet, quorum hominum studio auxilioque S. Pyrminio ad benemerendum de re Christiana, iter sit patefactum.

Supereft de tempore quæstio, quando scilicet, pluribus assumptis in laborem socijs, hanc profectionem ad exterios sibi sanctus vir indixerit? quæ quidem à Theodorici regis, & Gregorij II. Pontificis ætate pendet. Gregorium anno DCCXV. serius, citius, in ijsso volunt. Exordia regni Theodorici, vt eius temporis Francorum Chronologiæ fere fluctuant. Tilius cœpisse vult DCCXXVII. Marcus Welserus & Egidius noster Bucherius septennio citius. Præit Hermannus Contractus domesticus, & Augiæ inquilinus, quia ad annum DCCXXIV. S. Pyrminius ad Augiam Insulam venit. & interuallo. S. Pyrminius à Thietaldo Gotifridi filio expulsus Etonem Abbatem constituit, & ipse in Alsatiam venit. Vtrumque in Chronico emendatiore Canisiano sic legitur Antiq. leet. Tom. I. Anno DCCXXIV. Sanctus Pyrminius Abbas & Chorépiscopus à Berchtoldo & Veli Principibus ad Carolum ductus Augiæque Insulæ ab eo præfectus serpentes inde fugabat, & cœnobialem inibi vitam instituit tribus annis.

Hinc ad annum DCCXXVII. S. Pyrminius ob odium * Caroli, à * Martelli. Theobaldo Gotifridi Duci filio ex Augia pulsus, Euthonem * pro se * Etho. constituit Abbatem; & ipse Alsatiam, alia instrukturus cœnobia petit. Quæ tam manifesta temporis constitutio, rem quam quærimus nobis explicatam relinquit; eosque multum redarguit, qui ante annum DCCXXX. Alsatiam ingressum non putant. Neque Vrberg Chron. & plurima bona frugis spe accensum Pyrminium vnius lociretine- qui cum se- quantur.

lib. 5. Boic.
verum.Richer-
nauu.5. Boicar.
verum ad
marg. fol.
291.
S. Pyrmi-
nus quan-
do ad An-
giam ve-
neris.S. Pyrmin.
pulsus ex
Angia.

re potuerunt angustiæ, cum Theodorici Regis priuilegio, quod
 Marcus Welserus laudauit, doceamur egressum Insulam, & adiisse
 Alsatiæ, qua Vogesus ingentibus iugis præcepit, mitioribus quo-
 que clavis submittitur; molitumq; sedem religioni, quæ Morbacen-
 sis Principalis iam fastigij Monasterio originem dedit, Anno regni
 Theodorici regis III. Et verba appendere facit ad S. Pyrminij hono-
 rem, cui nos iam studemus. Venerabilis vir Perminius gratia Dei E-
 piscopus nostris temporibus cum Monachus fuit, Deo inspirante
 pro Euangeliō Christi peregrinatione suscepta, Monasterium vi-
 rorum in Eremo vasta; quæ Vosagus appellatur, in Pago Alsacensi,
 in loco qui vocatur Viuarius Peregrinorum, qui ante appellatus
 est Morbach in allodio fidelis nostri Ebrehardi Comitis cum ipsius
 adiutorio, Deo donante, conatus est construere, &c.
Morbacensis abbatia origo.
Idem Brn. sch
Morbach. al Viua- riis pere- grinorum.

C A P V T X.

Augia à serpentibus S. Pyrminij virtute re- purgata.

A NGIVM hoc pestiferum virus quod in Insula alimentum fa-
 cile & obuium habuit, ita Sanctus ope coelesti quadam pro-
 fligauit, ut in hanc usque diem Insulæ licet vđum solum, serpen-
 tium, bufonum, & lacertorum sit intolerans. Vim verò aduer-
 sum venena cibo aut potionī noxia alexicacām, vniuersè maio-
 res S. Pyrminio tribuerunt. Vnde in Apographi vitæ vestibu-
 lo scriptum reperiebam. Creditum quondam nil noxiū contra-
 hi, vbi sumendum victum sic benedixerant.
S. Pyrminij presens auxilium aduersum venena.

Sanctificet nostram sanctus Pyrminius escam.

Dextera Pyrminij bene dicat pocula nostra.

Monasteriorum Elenchus; quorum vel origo, vel in-
 stauratio, præpotentibus viris censum aut fundum
 largientibus vel augentibus, S. Pyrminio ad-
 scribitur.

In Bauaria.

Altachium superius.

Altachium inferius.

Manseum ad lacum. Austriacis iam contributum vulgo

Mansæ.

Niderburgum.

Pfaffenmünster.

Osterhoua.

In

In Rhetis Curiensi diœcesi.

Fabarum, vulgo Pfeuers.

In Alsatia.

Morbachium sui iuris.

Schuttura quondam Offonis Cella. Suuartzachense.

Gengenbachcense. quæ tria trans Rhenum.

Maurimonasterium.

Nouauilla seu Neuvviler, aut Nououillare, iam Canonicis
mutatum.

Apud Constantiam.

Augia diues, vulgò Richenauu, Episcopatu in nunc Constan-
tienſi adunata.

In Spirensi Ditione.

VVeissenburgum item ei Ecclesiæ additum

Præposituræ titulo.

In VVestericho.

Hornebachcense, quod perijt.

de quibus omnibus si testes & documenta requiris, adeundi Trit-
themius breuiario Franc. histor. Hieronymus Gebuilerius in-
actis S. Othiliæ Hundius Metropoli Salzburgensi. M. VVel-
serus. lib. V. Boicorum. Franciscus Guillmannus in Commenta-
rio Episc. Argentoratensium. Bruschijcenturia I. Monaster. Germ.

CAPVT XI. ET SEQVENT.

PORTVM veluti ex longinqua nauigatione præbuit S. Pyrmi-
nio Treuerense solum, qua, Bliesa, & Sara irrigantibus, in-
præalta montium iuga attollitur, quæ VVesterichi regionem strin-
gunt, varijs iam Dominis habitatam.

VVerinherus hic vir dicitur ILLVSTRISSIMVS, vtique magna
firpe nobilitatis, cuius liberalitate & beneficentia nouam se-
dem Pyrminius inuenerat; & erui forte in lucem poterat, ni &
loci memoriam, & sancti Pyrminij religiosissimam habitatio-
nem nostri sæculi Harpyæ fœdis vnguibus dilacerasset.

Hornebachium interim, VValafridus Strabus Abbas Augiensis
in Augiæ Chorographia versibus suis extulit.

Illi⁹ in medio ſuſpenditur Inſula fluctu⁹

Augia nomen habens, iacet hanc Germania circa⁹.

Primus in hac ſanctus conſtruxit mœnia præſul⁹

Pyrminius; triniſque gregem protexerat annis.

Huius quisque velut Sancti cognoscere vitam⁹

Ipſa ſepulcræ petat, ſatis ipſe probabit in Hornbach⁹.*

Paul⁹ Volti⁹ Abbas Hugonis curię Hornbachiū vno tātū milliarior⁹

*VVerinherus illus-
tris in VVesteri-
cho.*

*Horneba-
chium Mo-
naſterium.
Antiq lect.
Tem. 6.*

** miracio-
nem af-
fiduitate.*

abarce

ab arce & opido Biponte, vulgo Zvveibrugge distare scribit; ibi⁹
* In Cata-
logo S.S.
Constanti-
ensis dœ-
cessis.
Molan III.
Nouemb.
Depositio
S.Pyrminij
 cum Walafrido Strabo, non in Augia, vt Manlius, * plenum dierū
 Sanctum Antistitem mortuum & sepultum esse, III. Nonarum
 Nouembris. Atque oppidum nunc etiam temporis dici ad S. Pyr-
 minium, vernaculē zu S. Pirmin.

C A P V T X I I I . E T S E Q .

O T H L O N V S hic memor incunabulorum suorum, siquidem in
 Fuldensi Monasterio vixisse consentiunt, in S. Bonifacij lau-
 des, & præclara facinora digreditur; meminitque cum S. Pyrminio
 eo loco miscuisse sermones, ubi nunc ad Saræ & Bliessæ riuorum
 confluentes, in VVestrasia finibus oppidum Gemunda visitur.
 Vnde & Paulus Voltius, qui scriptam S. Pyrminij vitam expendit,
 ei testatur amicitia coniunctos fuisse S. Bonifacium, Mag.
 Archiepiscopum, & Burchardum Wirce-
 burgensem cognatos.



INDEX.